

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 36. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24) i člana 5. Programa utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615300, pozicija „Kapitalni transferi neprofitnim organizacijama“, Budžeta Zeničko-dobojskog kantona za 2024. godinu, broj: 02-11-1420/24 od 19.01.2024. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 23. sjednici, održanoj dana 09.04.2024. godine, donosi

ODLUKU

o odobravanju sredstava Muftijstvu zeničkom u svrhu sufinansiranja projekta završetka izgradnje Islamskog centra u Zenici i izgradnje gradske gasulhane u Zenici

Član 1.

(Predmet)

Odobravaju se sredstva Muftijstvu zeničkom u ukupnom iznosu od 250.000,00 KM (slovima: dvijestotinepedesethiljadakonvertibilnihmaraka), i to:

- a) iznos od 200.000,00 KM (slovima: dvijestotinehiljada konvertibilnih maraka) u svrhu sufinansiranja projekta završetka izgradnje Islamskog centra u Zenici;
- b) iznos od 50.000,00 KM (slovima: pedesethiljada konvertibilnih maraka) u svrhu sufinansiranja projekta izgradnje gradske gasulhane u Zenici.

Član 2.

(Isplata sredstava)

Odobrena sredstva će se isplatiti iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), sa razdjela 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 615300, pozicija „Kapitalni transferi neprofitnim organizacijama“.

Član 3.

(Ugovor o prenosu sredstava)

Ovlašćuje se ministar Ministarstva za obrazovanje, nauku, kulturu i sport da potpiše Ugovor o prenosu sredstava sa muftijom Muftijstva zeničkog, sa ciljem realizacije odobrenih sredstava iz člana 1. ove odluke.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.

(Izvještavanje)

Korisnik sredstava je dužan Ministarstvu za obrazovanje, nauku, kulturu i sport, po okončanju projekta, odnosno utroška odobrenih sredstava, u roku od 15 dana, dostaviti izvještaj o namjenskom utrošku odobrenih sredstava, a najkasnije u roku od godinu dana od dana doznačavanja sredstava iz člana 1. ove odluke.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-7284/24

Datum, 09.04.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.